

Episcopus legitur apud D. Ambrosium epist. 44. Paulo Diacono est in Æmilia.

VICOHABENTIA, vulgò *Vicouenza*: apud Petrum Chrysologum legitur sermone 175. quo etiam meminit *Marcellini* eius Episcopi. Ex hac autem vrbe *Deusdedit* Episcopus sedem Episcopalem transtulit Ferrariam auctoritate Vitaliani Papæ.

HADRIA, vel Adria, Melæ lib. 2. cap. 4. hodie *Adri*. Quibusdam ciuitas Episcopalis antiqua, sed huius Episcopum non legi ante Concilium Lateranense sub Martino, cui adfuit.

COMACVLA, alijs Comaclum, vulgò *Comacchio*, vrbs Episcopalis ad ostium Padi, legitur in libris Conciliorum: subscripsit autem *Pacatianus* eius Episcopus Concilio Romano quarto sub Symmacho.

ÆMILIA.

BONONIA Melæ lib. 2. cap. 4. vulgò *Bologna*. *Eusebius* huius Episcopus subscripsit Concilio Aquileiensi sub Damaso.

BRIXELLVM Ptol. lib. 3. cap. 1. vulgò *Bressello*. *Cyprianus* huius Episcopus subscripsit epistolæ Eusebij Mediolanensis ad Leonem Papam.

MVTINA Ptol. ibid. vulgò *Modena*. Ex eius Episcopis *Cassianus* subscripsit Synodo Romanæ tertiæ sub Symmacho, & *Bassus* quartæ sub eodem.

REGIVM LEPIDI Straboni lib. 5. vulgò *Reggio*. *Fauentius* huius Episcopus subscripsit epistolæ Eusebij & Synodi Mediolanensis ad Leonem Papam.

PARMA Ptol. vbi suprâ, vulgò etiam *Parma* dicitur. Episcopi Parmæ meminit Baronius à primis sæculis, sed in Concilijs non legi ante *Gratiosum*, qui subscripsit epistolæ Concilij Romani sub Agathone.

PLACENTIA Tacito hist. lib. 11. vulgò *Piacenza*. *Sabinus* huius Episcopus subscripsit Concilio Aquileiensi sub Damaso.

PROVINCIA AQVILEIENSIS.

VENETIA.

AQVILEIA, vt legitur apud Eustathium in scholiis ad Dionysium, vrbs est maxima, quæ & Aquilia vocatur, ab volucre, quam Itali Aquilam appellant, quæ, testè Iuliano Imperatore, vrbi, cum conderetur, dextra ex parte cælitus aduolans, de suo nomine vocabulum imposuit. *Fortunatianus* eius Episcopus sub Constantio apud D. Hieronym. lib. de script. Eccles. legitur. Leo magnus epistolam scripsit ad *Nicetam* & ad *Iulianum* Aquileienses Episcopos.

PATAVIVM Antonino in Itinerario, vulgò *Padoia*. *Prosdocimus* primus huius Episcopus à sancto Petro Apostolo ordinatus legitur apud Mombrinium tomo 2. & *Maximus* Prosdocimi successor apud eundem.

TORCELLVM, vrbs Episcopalis in libro Conciliorum, cuius Episcopus *Agnellus* subscripsit Concilio Romano sub Felice.

ALTINVM Melæ lib. 2. c. 4. vulgò *Altino*. *Heliodorus* huius Episcopus subscripsit